



Republika e Kosovës
Republika Kosova - Republic of Kosovo
Qeveria - Vlada - Government

Ministria e Punës dhe Mirëqenies Sociale
Ministarstvo za Rad i Socijalne Zaštite
Ministry of Labour and Social Welfare



AGJENCIA E PUNËSIMIT E REPUBLIKËS SË KOSOVËS
AGENCIJA ZA ZAPOŠLJAVANJE REPUBLIKE KOSOVA
EMPLOYMENT AGENCY OF THE REPUBLIC OF KOSOVO

THIRRJE PËR APLIKIM PROGRAMI PËR TRAJNIM NË PUNË (për të rinjë moshës 18-30 vjeçare)

Agjencia e Punësimit e Republikës së Kosovës (APRK) dhe Ministria e Punës dhe Mirëqenies Sociale (MPMS) në bashkëpunim me Programin për Zhvillim të Kombeve të Bashkuara (UNDP), shpall thirrje të hapur për aplikim për mbështetje nga programi për Trajnim në Punë (TP) për **ndërmarrjet (punëdhënësit) e interesuar nga sektori privat dhe për punëkërkesi në 15 komuna të Kosovës: Mitrovicë, Mitrovicë/veriore, Skenderaj, Vushtrri, Leposaviq, Zubin Potok, Zveçan, Fushë Kosovë, Gllgovc, Lipjan, Obiliq, Podujevë, Graçanicë, Novobërdë, Prishtinë.**

Rreth Programit për Trajnim në Punë

Programi Trajnim në Punë (TNP) ka për qëllim ti ofrojë mundësinë punëkërkesve të papunësuar që kanë nivel të kufizuar arsimor dhe nuk kanë përvojë të mëparshme të punës, të ndjekin një trajnim tre mujor në një ndërmarrje nga sektori privat. Gjatë periudhës së trajnimit, në emër të mbulimit të shpenzimeve elementare, kandidati do të kompensohet me 150.00-euro në muaj. Me qëllim të përkrahjes së punësimit të qëndrueshëm në Kosovë, programi fokusohet në identifikimin e ndërmarrjeve që kanë potencial të ofrojnë mundësi afatgjata të punësimit. Në mënyrë që të përfitojnë nga programi, kandidatët e papunësuar dhe punëdhënësit duhet të regjistrohen në Zyren e Punësimit (ZP) në komunën e tyre.

Përveç përkrahjes së punëkërkesve të papunë në gjetjen e mundësive për trajnim, programi TP lehtëson gjithë procesin e identifikimit dhe përputhjes së punëkërkesve me ndërmarrjet. Duke pasë parasysh vështirësitë me të cilat përballen ndërmarrjet private në gjetjen dhe angazhimin e stafit të aftësuar që kërkohet për zgjerimin e veprimtarive të tyre afariste, programi TP do të angazhojë ekspertizën e ZP për të përputhur secilën pozitë të TP me punëkërkesit e përshtatshëm në harmoni me nevojat dhe kriteret e caktuara nga ndërmarrjet.

Programi TP implementohet sipas hapave në vijim

Hapi i parë - Shprehja e interesimit për të përfituar nga programi TP:

Të gjitha ndërmarrjet e interesuara të sektorit privat mund të shprehin interesim për të përfituar, duke shkarkuar formularin për aplikim nga interneti në adresën: www.aprk.rks-gov.net ose www.mpms.rks-gov.net. Përveç kësaj, formularët për aplikim janë gjithashtu të disponueshëm në ZP në të gjitha komunat. Formularit për aplikim duhet ti bashkangjiten certifikata e regjistrimit të biznesit dhe të certifikata e numrit fiskal të ndërmarrjes që aplikon.

Punëkërkesit potencial dhe kompanitë duhet të regjistrohen në ZP në komunën e tyre, nëse nuk e kanë bërë tashmë këtë. Pas regjistrimit, punëkërkesve do t'i ofrohen sesionet e para këshilluese

nga këshilltari. Ndërmarrjeve do t'iu kërkohet të dëshmojnë që janë të regjistruara në Agjencinë për Regjistrimin e Bizneseve në Kosovë (ARBK).

Hapi i dytë: Punëkërkuessit e riatdhesuar të regjistruar si punëkërkuess, të cilët kanë hulumtuar tregun e punës për 3 muaj për ndonjë ofertë të mundshme për punë dhe nuk kanë qenë në gjendje të gjejnë punë gjatë kësaj periudhe, do të kualifikohen drejtpërdrejtë për programin TP.

Hapi i tretë: Pas konfirmimit nga punëkërkuessi se nuk ka identifikuar ndonjë ndërmarrje për tu punësuar bazuar në nevojat e tij, këshilltarët në ZP do të konsultojnë/ndërmjetësojnë procesin dhe identifikojnë një ndërmarrje të përshtatshme. Ndërmarrjet duhet të ofrojnë dëshmi që janë të gatshme t'i trajtojnë punëkërkuessit. Pas këtij procesi, nënshkruhet një marrëveshje për TP ndërmjet punëkërkuessit dhe punëdhënësit, ku përcaktohen përgjegjësitë e secilës palë. Programi mbulon shpenzimet elementare të punëkërkuessve gjatë periudhës së trajnimit, gjë që ofron një stimulim për punëdhënësin që ti aftësojnë ata për një punë të përhershme brenda ndërmarrjes.

Kush mund të aplikojë?

1. Ndërmarrjet private

Për pjesëmarrje në program, mund të aplikojnë **të gjitha ndërmarrjet (punëdhënësit) e interesuar** të regjistruar në ZP. Ndërmarrjet duhet të jenë të regjistruara në ARBK dhe të jenë taksapagues aktiv në Administratën Tatimore të Kosovës (ATK).

Bizneset që veprojnë në **të gjitha llojet e aktiviteteve ekonomike** kanë të drejtë të aplikojnë për programin TP. Prioritet do t'i jepet gjashtë sektorëve prioritarë ekonomik si në vijim (përzgjedhur nga MTI pasi kanë potencial më të lartë për rritje ekonomike në Kosovë):

- përpunimi i ushqimit dhe industria e paketimit;
- TIK së bashku me kontraktimin e procesit të biznesit dhe sektorin e qendrave për mbështetjen e klientëve;
- industria e përpunimit të metaleve;
- industria e tekstilit;
- turizmi;
- industria e përpunimit të drurit.

Formulari i aplikimit mund të gjendet në internet, në adresat elektronike: www.aprk.rks-gov.net ose www.mpms.rks-gov.net si dhe në ZP në secilën komunë.

2. Personat etë regjistruar si punëkërkuess të papunë

Të gjithë punëkërkuessit e moshës 18-30 vjeçare të regjistruar sit ë pa punë në Zyret e Punësimit, që kanë nivel të ulët arsimor dhe nuk kanë përvojë të mëparshme të punës, mund të përfitojnë nga programi TP.

Grupi i synuar në këtë program përfshinë:

- pakicat etnike.
- punëkërkuessit që nuk kanë apo kanë pak aftësi dhe nuk kanë përvojë të mëparshme.

Prioritet do të kenë:

- gratë,
- personat me aftësi të kufizuara,
- prindët vetëushqyes,

Të gjithë të interesuarit duhet të regjistrohen në ZP në komunat e tyre përkatëse. Rastet e konfliktit të interesave me palët e përfshira dhe vendimmarrësit e programit për TP, nuk kanë të drejtë të përfitojnë nga ky program.

Afati i aplikimit 14 - 24 Maj 2019

Mbështetja financiare për punëkërkuessit

Kostoja e aftësimit të punëkërkuessve mbulohet nga programi. Kompensimi në shumën 150.00 euro në muaj i bëhet drejtpërdrejtë të trajnuarit në llogarinë bankare personale gjatë trajnimit tre mujorë. Kjo poashtu ofron një stimulim për punëdhënësin që të aftësojë një punëkërkuess për punë të përhershme brenda ndërmarrjes. Pagesat punëkërkuessit i bëhen në baza mujore për ti mbuluar shpenzimet elementare gjatë trajnimit (udhëtimi, ushqimi). Ndërmarrjet inkurajohen që ta punësojnë punëkërkuessin pas përfundimit të trajnimit. Punëkërkuessit pas përfundimit të trajnimit do të pajisen me certifikatë të vijimit të trajnimit nga Qendra e Aftësimit Profesional (QAP), e cila shërben si dokument referues i aftësive për ta mbështetur punëkërkuessin dhe mund të jetë përparësi për atë gjatë kërimit të punës në të ardhmen.

Si të aplikoni?

- **Ndërmarrjet e interesuara private** duhet të dorëzojnë **formularin e aplikimit të plotësuar**, personalisht ose përmes e-mailit, në ZP në komunën e tyre. Formulari i aplikimit është i disponueshëm në internet në adresat elektronike: www.aprk.rks-gov.net ose www.mpms.rks-gov.net si dhe i printuar në secilën ZP në tërë Kosovën. Aplikantët duhet bashkangjitur në aplikacion certifikatat e tyre për regjistrimin e biznesit dhe të numrit fiskal. Ndërmarrjet do të kontaktohen nga ZP me një listë të kandidatëve potencial.
- **Punëkërkuessit e riatdhesuar të** interesuar për vendet e lira duhet të regjistrohen në ZP në komunat e tyre ose të vizitojnë ZP ku ata tashmë janë regjistruar dhe të informojnë këshilltarët e tyre të punësimit në lidhje me interesin e tyre.

Informacione tjera

Për më shumë informata, ju lutemi kontaktoni Zyret e Punësimit në komunën tuaj.

Në rast se keni pyetje në lidhje me programin TP, ju lutem kontaktoni projektin ALMP2 në adresën elektronike: almp.ks@undp.org.

Rreth projektit ALMP2 në UNDP Kosovë

Objektivi kryesor i Programeve Aktive të Tregut të Punës (PATP/ALMP) është përmirësimi i kapaciteteve të institucioneve të tregut të punës për të hartuar politikat relevante të përgjegjshme-gjinore në nivelin qendror dhe ofrimi i shërbimeve të integruara në nivel lokal, duke u fokusuar në grupet më të cënueshme në mesin e të papunëve. Gjithashtu, projekti ofron mundësi për punësim dhe trajnim për personat e papunë, të regjistruar në ZP në të gjithë Kosovën, përmes programeve të ndryshme aktive si: Subvencionimi i Pagave (SP), Trajnim në Punë (TP), Praktikë në Punë (PP) dhe Vetëpunësim (VP).